

Uunga siunnersuut Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat
(Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Akissuteqaat

(Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Aappassaanneerreqarnera

Naalakkersuisut Kultureqarnermut, Ilinniartitaanermut, Iisimatusarnermut Ilageeqarnermullu Ataatsimiititaliap siunnersuummik matuminnga peqqissaartumik suliaqarsimaneranut qujassuteqarput.

Aalajangersakkanut ataasiakkaanut ataatsimiititaliaq oqaaseqaateqarpoq taamaammallu Naalakkersuisut allannguutissatut siunnersuuteqarlutik. Allannguutissatut siunnersuutip inatsisissatut siunnersuutip kalaallisuuata danskisuuatalu akornanni assigiissitsinissaq aamma qulakkiissavaa.

Inatsisissatut siunnersuummi anguniakkat ataatsimiititaliamit immikkut eqqumaffiqeqarsimapput. Naalakkersuisut siunnersuutigaat, kommunit meeqqanut inuusuttunullu nalinginnaasumik ataatsimoortumik neqeroorutaannut perorsaanikkut neqeroorutit ilaatinneqarnerisigut peqataatitsinissap qulakkeerneqarnissaa isumaginninnikkullu ajornartorsiuteqalernissap pinaveersaartinneqarnissaa anguniarneqassasoq taamaalillunilu meeqqanut immikkut iliuuseqarfigineqarnissamik pisariaqartitsisunut pinaveersaartitsineq ikorfartuisumillu iliuuseqarnerit qulakkeerneqarlutik. Allannguutissatut siunnersuummi anguniakkap nutaamik oqaasertalerneqarneratigut qulakkeerneqassaaq meeqqat isumaginninnikkut atugarliortut kisiisa pinnagit, kisiannili meeqqat tamarmik isumaginninnikkut kingornussaqaarsimasut ikorfartorneqarnissaat.

Naalakkersuisut meeqqanut pitsaanerpaaq ukkatarineqarnerulernissaa isumaqatigaat Ataatsimiititaliallu ulluunerani paaqqinnittarfinnik ulluuneranilu paarsisarfinnik akuersinermut taakkunanilu atorfinitsitsinernut atatillugu pinerluuteqarsimannginnermik uppernarsaatit meeqqanillu pinerliisimannginnermut uppernarsaatit pillugit sukaterisoqarnerunissaanik oqaaseqarnerat maluginiarlugu. Allannguutissatut siunnersuut taamaammatt aalajangersakkani attuumassuteqartuni nutaamik oqaasertaliisoqarpoq.

Oqaatsit taakku atorlugit Naalakkersuisut suliassaq Inatsisartuni suliarilluarneqarnissaanut ingerlateqqippaat.